

240.107

142

31-36

台州府志



長霖

晉州府志  
百卯十卷

長霖署檢

時年八十



兩子竊  
月開雕

續修台州府志序

台州有志始於宋陳司業者卿名嘉定赤城志由漢至宋嘉定凡一千五百三十年爲四十卷明謝文肅鐸續爲赤城新志始嘉定甲午迄宏治丙辰凡二百六十三年爲二十三卷至康熙癸亥馮侍郎甦再修迄壬寅知府張聯元踵成之距宏治又二百三十年爲十八卷迨光緒甲午趙太守亮熙議修府志開局不久中輟迄今始獲告成計自康熙壬寅至今又二百十五年爲一百四十卷蓋台州府志第四次成書之一日也編竣待梓映光力任剗刪之役讀之乃重有感吾台居浙東南跨海爲郡台山高萬八千丈方駕五嶽卓爲浙東勝地而聲明文物吾屈氏實開其先三國時孫和傳太子和廢尙書屈晃等連日詣闕固諫不止以忠義著稱於時逮於兩宋人才最盛二徐以儒宗著康肅以直節稱南湖以學派傳清獻以相業顯康敏以耿介終後先彪炳更僕難數至考亭使節南來台士聞風興起著籍者衆俊又如林宋景濂所謂晦翁傳道江南而台特盛世稱小鄒魯者是也有明方正學爲一代大儒然如葉兌葉伯巨之忠鯁陶宗儀之著述曾銑之經濟陳函輝之殉節皆不可一世三百年來台士如齊召南馮甦洪若皋李誠戚學標黃溶等最爲知名然文學有餘而德業勳名尙未光顯映光不敏竊嘗有

台州府志

卷首

序

上海游民習勤所承印

志於斯曩歲長浙所懷萬端旋受代去未償夙願今覽斯編睹前賢之遺蹟慨近代之不競時懷續緒起衰之志昔明莆田周瑛序赤城論諫錄云台爲州萬山中羣賢多能立光明俊偉事業以驚動人世他郡莫之或先映光三復斯言彌爲忼忼心動竊願與同鄉諸君子追蹤曩哲武步古人舉先賢之事業益發揮而光大之於以上追小鄒魯之盛而遙待來哲於無窮焉則區區之願也民國二十五年丙子嘉平月臨海屈映光序

台州府志一百四十卷總目

卷首

台州府圖

仙居海

黃巖海

天台

縣圖

姓氏

例言

續例言

卷一

弁言一卷

卷二

暑度表一卷

卷三

沿革表一卷

卷四

戶口表一卷

卷五

土田表一卷

卷六之八

賦稅表三卷

卷九之二十

職官表十二卷

卷二十一之三十三

選舉表十卷

卷三十一之三十三

恩澤表三卷

卷三十四之三十八

人物表三卷

卷三十七之三十八

列女表二卷

台州府志

卷首

總目

卷三十九

疆域略一卷

卷四十之四十七

山水略八卷

卷四十八之四十九

水利略二卷

卷五十之五十三

建置略四卷

卷五十四之五十五

祠祀略二卷

卷五十六之五十七

學校略二卷

卷五十八之五十九

武備略二卷

卷六十之六十一

風俗略二卷

卷六十二之六十三

物產略二卷

卷六十四之八十四

藝文略二十一卷

卷八十五之九十三

金石攷九卷

卷九十四之九十五

古蹟略二卷

卷九十六之九十八

名宦錄三卷

卷九十九

寓賢錄一卷

卷百之百二十五

人物傳二十六卷

卷百二十六之三十一

列女傳六卷

卷百三十二之三十八

大事記五卷

卷百三十七之三十八

雜事記二卷

卷百三十九之四十

方外記二卷

台州府志


卷首

總目


二

上海游民習勤所承印


圖方里十二府州台




臨海縣城圖 據康熙縣志




黃巖縣城圖 據光緒縣志




天台縣城圖



據光緒縣志




縣志



# 太平縣城圖

光緒  
縣志



台州府志卷首姓氏

纂修姓氏

主修

花翎道銜調署台州府知府處州府知府

宜賓 趙亮熙

三品銜浙江補用道署台州府知府

侯官 郭式昌

提調

台州府學訓導

慈谿 俞 棠

總纂

三品銜軍機處章京記名御史工部營膳司員外郎

黃巖 王彥威

舉人

黃巖 王舟瑤

協纂

刑部主事

臨海 何奏篋

分纂

台州府志卷首

姓氏

一

上海游民習勤所承印

舉人

瑞安 章獻猷

廩膳生

臨海 葉 書

拔貢生

黃巖 毛宗澄

廩膳生

天台 張廷琛

拔貢生

寧海 章 棧

內閣中書

黃巖 管世駿

廩膳生

方 來

附生

陳熙疇

附生

胡邦翰

繪圖

廩膳生

俞澍棠

採訪

附生

劉春熙

拔貢生

金文田

廩貢生

褚傳誥

附貢生

齊毓川

續修姓氏

總纂

前翰林院編修

黃巖 喻長霖

繪圖

前翰林院檢討

寧海 章 棧

協纂

拔貢生陝西乾州知州

黃巖 柯驊威

廩貢生

天台 褚傳誥

歲貢生

黃巖 項 詠

拔貢生

天台 陳立樹

台州府志

卷首

姓氏

二

上海游民習勤所承印

黃巖 梁虞度

黃巖 沈見谷

光緒台州府志例言

議修之始意欲繼謝氏赤城新志別爲三志始自宏治丁巳迄於今上乙未專紀此三百九十九年之前事志所略者則爲補遺一門所誤者則爲辨疑一門猶之文肅繼嘉定志爲新志之意也而議者以爲謝氏新志記述簡略概爲補遺末大於本其他門類亦宜增損今擬溯從最初不復斷代其本於嘉定舊志宏治新志康熙府志者一皆注明存厥舊觀不掠前美庶免杜氏解左竟掩子慎之名小顏注班時竊游秦之義

方志分門諸家各異折中縣簡得宜頗難地志之存於今者以宋朱伯原吳郡圖經續記爲最古然城邑門名區爲二類南園園第別爲一門子目較繁破碎可議至梁叔子淳熙三山志分列九門山川附於寺觀人物僅載姓名并省失倫貽譏有識今擬略仿史例括以總凡斟酌諸家稍分子目有圖有考有表有傳有記府境縣境府治縣治水道營汛則擬爲圖輿地建置賦役祠祀學校武備藝文金石則擬爲攷職官選舉則擬爲表名宦鄉賢列女則擬爲傳大事風土古蹟雜事則擬爲記沿革疆域形勝山水則輿地攷之子目也城池官署公所鄉保市鎮坊巷則建置攷之子目也戶口土田賦額雜稅倉儲鹽法徭役則賦役攷之子目也秩祀私祀則

台州府志卷首

例言

上海游民習勤所承印

祠祀攷之子目也學制書院義塾則學校攷之子目也營制兵額汛防墩臺驛鋪則武備攷之子目也藝文以四部分編金石亦二目並列大事之記仿乎史遷而災祥時政寇變皆入焉風土之記本乎周處而土習民風方言俱括焉名園故宅寺觀冢墓載諸古蹟之中遺文軼事雅譚瑣記錄於雜事之簡上酌舊志之成規旁參實齋之新議

輿圖之學古有專家周禮士訓掌道地圖以詔地事鄭君注云道說也說地圖形勢山川所宜以施政事也此圖說之所自始也州郡之志舊稱圖經以圖爲重李吉甫元和郡縣志分四十七鎮每鎮皆有圖今志存而圖佚不可攷矣近代方志卷首有圖然不標經緯不開方里大率疏陋未足爲規嘉定陳志有圖十三康熙張志有圖十七然於計里開方之法缺焉不講案晉司空裴秀作禹貢地域圖其體有六一曰分率二曰準望三曰道里四曰高下五曰方表六曰迂直其法頗備我朝疇人輩出測量益密圖學愈精此次纂修府境擬爲二十里方圖每縣全境擬爲十里方圖府治縣治擬爲一里方圖各系以說指掌可明至於標題名勝點綴山川藻繪雖工無裨實用雅存實齋議之詳矣如前志所列天台東湖諸圖皆可從略焉

山川之志莫古於禹貢山經而桑經鄭注尤爲雅贍有法鄉先正齊侍郎之水道提綱李州判之萬山綱目隱用其例條貫秩然方志中若宋高似孫之剡錄其敘山水亦用鄭亭法也今擬山則以巨幹爲綱水則以經流爲總條厥脈絡分其源流遠法桑鄭之例近取齊李之編藉茲成規非苟立異

藝文一志親自孟堅義本劉略後之作者分部稍殊而大例不遠方志藝文每載成篇不列書目殊乖義例范石湖吳郡志附詩文於各條下不別立門壽老舊志隱與之同最爲有法文肅新志別爲典籍一門專載書目可謂善矣然不別部居莫明家法今擬略仿崇文總目書錄解題四庫提要朱氏經義攷之例節錄序文揭其大旨兼注存佚庶可檢稽

梁元帝錄碑刻之文爲碑英一百二十卷是爲金石專書之肇祖歐趙有作其學遂盛方志之載金石則朱氏吳郡圖經續記有碑碣一門是北宋以來已有此例矣然伯原續記不錄全文元徐碩作至元嘉禾志於三國六朝以逮兩宋石刻之文盡行甄錄多至十一卷則亦太繁明沈朝宣嘉靖仁和志祇載碑目或議其簡今擬參酌二例凡鐘彝古刻則摩其文加以攷證至宋以來碑碣文字既采其事以作列傳復錄其文以入總集金石志中止載其目略爲之攷以

## 台州府志

### 卷首

例言

二

上海游民習勤所承印

免複繁

職官有表例本班書後之方志間用其法嘉定舊志職官分爲五門而以歷代郡守爲一表本朝郡守爲一表通判添差通判爲一表教授爲一表各縣令爲一表義例秩然最爲有法謝張兩志皆不立表今擬郡守爲一表郡之屬官隸焉諸縣令各爲一表縣之屬官隸焉武職別爲一表篇首考其官制表中詳其年月姓氏之下略注鄉貫庶幾沿革燦著經緯分明上法史漢之遺規略勝唐宋之壁記

選舉一門各志體例不甚相同壽老舊志不立專門統括於人物之仕進中頗爲非法謝張二志亦多未善今擬稍變題名之記略同史表之法取士之典制科目之沿革歷代各殊略疏於首一如職官表之例封贈貲郎亦別爲表然人數大夥義宜謹嚴今擬知縣以上以曾分省者爲斷佐貳武職以曾履任者爲斷

古之地志罕及人物至樂史寰宇記而始詳後之方志遂仍其例然亦略分爲二一則不別品類以時爲編一則各爲標題分門而次攷各史通例凡一代卓著之人必爲專傳至列於儒林文苑諸傳者則一家之學專門之藝視列傳而稍次者也今擬竊取其義凡先正中有道德功

業文章不僅以一長見者則爲專傳其餘則分爲儒林文學忠義孝友宦業遺逸一行方技寓賢諸門隨其人而入焉

列女有傳始於更生范氏後書實用其例後世史家遂成定則而壽老舊志僅載節婦一人何其略也謝志張志稍稍詳矣夫婦人之行節烈爲難而孝淑賢明亦未可忽故中壘之傳分乎七篇蔚宗之書不專一操蓋列乃列傳之謂非專節烈之謂也而舊志獨詳於此餘皆從略似尙未窺劉范本旨今擬分賢孝貞烈二門而殿以名媛庶柏貞椒烈蕙問蘭儀各標彤史之輝並協內宰之教

班氏古今人表所以補史遷之所遺輔紀傳之不足其法甚善昔儒不知妄加詬病近世通人始識其義故馬氏作繹史章氏撰方志閒用其例此次纂志於名宦邦賢列女之顯著者既爲之傳至於姓字僅存事績未著概爲作傳寥略不文竟事刪除恐就湮沒節婦一門人數尤多事實亦尠拉雜以書殊乖義例今擬依年代區別六邑分列爲表庶幾包括而靡遺不至雜揉而無敘

子長史記合左傳國語國策世本楚漢春秋以成書孟堅之書孝武以前仍用遷史蓋史貴徵

## 台州府志

### 卷首

例言

三

上海游民習勤所承印

實勢難嚮壁虛造成文可用無事更張方志之體何獨不然但古人闕疏不必標明近世謹嚴須注出處明史初稿及阮文達國史儒林文苑傳稿其體皆然今擬竊用其例一皆注明不獨引用舊志爲然也

裴世期注三國志博引羣籍參攷異同溫公作通鑑別自爲攷異一書而胡身之爲音注取其文散入各條之下其後李燾作續通鑑長編李心傳作建炎以來繫年要錄皆本溫公之例附列各條之下而謝氏赤城新志亦有攷異一卷今擬遇舊志之異說諸家之殊譚皆爲攷訂折衷一是附諸每條之下以明去取之義

宋孔延之之會稽掇英集董棻之嚴陵集袁說友之成都文類鄭虎臣之吳郡文粹皆萃一方之詩文爲部州之總集故章實齋方志立三書議亦當仿文選文苑之體而作文徵吾台之總集則莫先於李庚之天台集而林氏師葭及子表民皆前後增修顧其書僅載詩而未及文至表民爲赤城續志別輯詩文爲赤城集而其體始備其後謝文肅爲新志亦別輯後集用林氏例也今擬繼林謝之後別爲三集而補其所遺惟林謝二書但采有關吾台者而不分郡人與他郡之人今擬以他邦之題贈爲外編而以郡人之論箸爲內編庶幾眉目之一清而與方志